



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-092-5/23**
Datum: **26.05.2023. godine**

«Agencija za vodno područje rijeke Save» Sarajevo rješavajući po zahtjevu Javnog preduzeća «KOMUNALNO» d.o.o. Breza za donošenje rješenja o vodnoj dozvoli za zahvatanje vode sa izvorišta «Milkino vrelo» a za potrebe snabdijevanja pitkom vodom potrošača na području općine Breza, na osnovu člana 139. stav (1) tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola Javnom preduzeću «KOMUNALNO» d.o.o. Breza za zahvatanje vode sa izvorišta «Milkino vrelo» minimalnog kapaciteta 20 l/sec a za potrebe snabdijevanja pitkom vodom potrošača na području općine Breza.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se predmetni vodni objekti održavaju u funkcionalnom stanju u skladu sa njihovom prirodom i namjenom te u skladu sa uslovima iz ove vodne dozvole.
 - 2.2. Da se korisnik vodnih objekata brine o čuvanju objekata i uređaja na njima od slučajnog ili namjernog oštećenja ili uništenja.
 - 2.3. Da korisnik predmetnih vodnih objekata obezbijedi stalni i sistematski pregled vode od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće.
 - 2.4. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće propisane Pravilnikom o higijenskoj ispravnosti vode za piće («Službeni glasnik BiH», broj 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.5. Da se u cilju kontrole, evidencije i plaćanja količina zahvaćene vode vrši redovno mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanju podataka o količinama zahvaćene vode («Službene novine Federacije BiH», broj 83/08).
 - 2.6. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno obezbijediti odgovarajućim tankvanama moguće isticanje hlora i drugih komponenti iz objekata i iz posuda. Takođe je dužan obezbijediti adekvatan apsorber za prikupljanje hemikalija u slučaju incidentnog izlivanja.
 - 2.7. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži a u skladu sa Pravilnikom o higijenskoj ispravnosti vode za piće.
 - 2.8. Da se uredno vodi dnevnik rada u koji će se unositi podaci o postupku hlorinacije i potrošnji svih hemikalija.
 - 2.9. Da se u toku važenja ove dozvole, u skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje («Službene novine Federacije BiH», br. 88/12) odrede zone sanitarne zaštite te donese Odluka o zaštitnim zonama i zaštitnim mjerama izvorišta «Milkino Vrelo».

3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170. stav (1) tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).
4. Korisnik objekata je obavezan da redovno plaća posebne vodne naknade za korištenje voda u skladu sa propisima.
5. Prava stečena po ovoj dozvoli ne mogu se prenositi na treća lica.
6. U ovoj upravnoj stvari plaćene su sve upravne takse.
7. Ova vodna dozvola, shodno članu 117. stav (1) Zakona o vodama se daje sa rokom važenja od 3 (tri) godine od dana pravosnažnosti ovog Rješenja.
8. Po isteku važenja ove vodne dozvole korisnik je dužan ovoj Agenciji podnijeti zahtjev za izdavanje nove vodne dozvole.
9. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
10. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, Javno preduzeće «KOMUNALNO» d.o.o. Breza obratilo se ovoj Agenciji dana 08.03.2023. godine sa zahtjevom za izdavanje vodne dozvole za zahvatanje vode sa izvorišta «Milkino vrelo» minimalnog kapaciteta 20 l/sec a za potrebe snabdijevanja pitkom vodom potrošača na području općine Breza.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka o upisu u sudski registar broj: 043-0-Reg-23-000131 izdatog dana 16.02.2023. godine od strane Općinskog suda u Zenica,
- Ovjerena kopija Uvjerenja o poreznoj registraciji izdatog dana 18.04.2014. godine od strane Porezne uprave Federacije BiH-Kantonalni porezni ured Zenica,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza, broj: 04/1-17-1-UPJR/1-1620-2/14 izdatog dana 11.03.2014. godine od strane Uprave za indirektno-neizravno oporezivanje BiH,
- Kopija Rješenja o vodnoj dozvoli broj: UP-I/25-3-40-221-5/20 izdatog dana 23.07.2020. godine od strane «Agencije za vodno područje rijeke Save» Sarajevo,
- Kopija Zaključka o odbacivanju zahtjeva broj: UP-I/25-3-40-302-7/22 izdatog dana 27.01.2023. godine od strane «Agencije za vodno područje rijeke Save» Sarajevo,
- Kopija Pravilnika o održavanju, korištenju i osmatranju objekata komunalnog vodovodnog sistema Breza (broj:1621-31-05-13-2/18 od 31.05.2018. godine),
- Kopija Odluke o prenosu prava korištenja i upravljanja vodoprivrednim objektima sa Općine Breza na JKP «Breza» iz Breze donesene dana 23.05.2002. godine od strane Općinskog vijeća Breza,
- Kopija Odluke o odvodnji i prečišćavanju otpadnih voda na području općine Breza donesene od strane Općinskog vijeća na sjednici održanoj dana 27.03.2019. godine,
- Kopija Odluke o regulisanju odnosa davaoca i korisnika komunalne usluge snabdijevanja pitkom vodom donesene od strane Općinskog vijeća na sjednici održanoj dana 29.04.2010. godine,
- Kopije dopisa upućenih od strane Službe za privredu Općina Breza prema JP «KOMUNALNO» d.o.o. Breza, Općini Vareš, Ministarstvu za PŠV Ze-do kantona vezano za status izrade Odluke o zaštitnim zonama i zaštitnim mjerama izvorišta «Milkino vrelo»,

- Kopija dopisa broj: 02/1856/21 upućenog dana 19.11.2021. godine Općini Breza od strane načelnika Općine Vareš po pitanju mišljenja o urađenom Elaboratu o zaštitnim zonama izvorišta «Milkino vrelo»,
- Kopije izvještaja o ispitivanju vode za piće broj: 14.03.01-71196/23 urađenog 26.01.2023. godine od strane «Instituta za zdravlje i sigurnost hrane» Zenica,
- Elaborat zaštite izvorišta «Milkino vrelo» općina Breza Jug urađen od strane «Instituta za hidrotehniku» d.d. Sarajevo, maj 2021. godina (na uvid),
- Kopija Sporazuma o plaćanju dužnih javnih prihoda u ratama broj: 13/10-12-27-1931-1/22 M.S. zaključen dana 20.02.2023. godine između Porezne uprave Federacije BiH i JP «KOMUNALNO» d.o.o. Breza,
- Kopija uplatnica upravne takse,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog izvorišta te je sačinjen zapisnik o izvršenom uviđaju broj: UP-1/21-3-40-092-4/23 od 27.04.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe vodosnabdijevanja stanovnika užeg urbanog područja i dijela industrijske zone na području općine Breza zahvata se voda sa izvorišta «Milkino vrelo» koje se nalazi cca 3,5 km sjeveroistočno od centra grada. Izvorište izdaju na koti 535 m.n.m. a pojavljuje se u desnom zaobalju rijeke Stavnje ispod vrha Križ (840 m.n.m.). U neposrednoj blizini izvorišta, uz sami kaptažni objekat, prolazi magistralni put Breza - Vareš kojim se odvija saobraćaj motornih vozila, prevozeći različite vrste tereta.

Izvorište je kaptirano 1962. godine vertikalnom kaptažom sa preljevnim pragom iznad maksimalnog vodostaja rijeke Stavnje. Tokom 1996. godine izvedena su i 2 eksploatacijska bunara na užem području izvorišta (B-1 dubine 103m i B-2 dubine 75m). Bunari su opremljeni dubinskim pumpama maksimalnog kapaciteta 30,0 l/sec. Kapacitet izvorišta kreće se od 20 l/s do 80 l/s.

Zahvaćena voda na izvorištu «Milkino vrelo» se gravitaciono transportuje do filterskog postrojenja za tretman vode smješteno na lokaciji «Medića pumpa» koje se koristi samo povremeno u vrijeme pojave mutnoće na izvorištu. Postrojenje se sastoji od rezervoara sirove vode, vertikalnih taložnika, automatskih filtera i rezervoara čiste vode gdje se vrši hlorisanje vode tečnim hlorom. Hlorisana voda se putem opreme u pumpnoj stanici «Medića pumpa» potisnim cjevovodom transportuje do rezervoara «Križ» na koti 559 m.n.m. a zatim gravitaciono do rezervoara «Ahmedovica» gdje se vrši dalja distribucija prema potrošačima.

Mjerenje količine zahvaćene vode vrši se na PS «Medića pumpa» zbirno sa količinom zahvaćene vode sa izvorišta «Mala Rijeka» čija se zahvaćena količina posebno evidentira u filterskom postrojenju «Hodžići». Redovno se vrši kontrola kvaliteta zahvaćene i isporučene vode od strane ovlaštene laboratorije. Prva zaštitna zona izvorišta «Milkino vrelo» je propisno ograđena i zaštićena od neovlaštenog pristupa.

Podnosilac zahtjeva nije ispunio uslov iz tačke 2.9. prethodno izdatog Rješenja o vodnoj dozvoli (broj: UP-I/25-3-40-221-5/20 od 23.07.2020. godine) kojom je traženo da se donese Odluka o zaštiti izvorišta u skladu sa odredbama Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje («Službene novine Federacije BiH», broj 88/12). Novi Elaborat o zaštitnim zonama izvorišta urađen je od strane «Instituta za hidrotehniku» d.d. Sarajevo, maj 2021. godine na traženje Općine Breza.

Uvidom u dopis broj: 02/1-1-21-32/1-1/22 dostavljen dana 14.07.2022. godine Javnom preduzeću «KOMUNALNO» d.o.o. Breza od strane Službe za privredu Općina Breza konstatovano je da je u toku postupak usvajanja Odluke o zonama sanitarne zaštite i zaštitnim mjerama za izvorište «Milkino vrelo», općina Breza usaglašene sa odredbama Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje a od strane nadležnog Ministarstva i Vlade Zeničko-dobojskog kantona.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-092-2/23 od 11.04.2023. godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata Javno preduzeće «KOMUNALNO» d.o.o. Breza, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64., 66. i 116. Zakona o vodama i članovima 13. i 14. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Konstatuje se da je podnosilac zahtjeva, Javno preduzeće «KOMUNALNO» d.o.o. Breza, ispunio minimum uslova za izdavanje vodne dozvole za zahvat vode sa izvorišta «Milino vrelo» minimalnog kapaciteta 20 l/sec a za potrebe snabdijevanja pitkom vodom potrošača na području općine Breza te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- Javno preduzeće «KOMUNALNO» d.o.o. Breza
ul. ZAVNOBiH-a br 6, 71370 Breza
- Ⓢ AVP, ISV – Vodna knjiga
- Sektor 50,
- Sektor 40, arhiva
- Oglasna ploča – AVP Sava